

Fakatokanga Totongi Ako ki he Ngaahi Fāmili 'o e Tamaiki Ako Kalasi K-6



'Oku ta'ofi 'e he lao 'a Utah'a hono 'eke 'o ha totongi ako 'i he ngaahi ako lautohi.

Kapau 'oku 'i ai ha ki' i leka 'oku kinitī 'o a'u ki he kalasi ono, 'e 'ikai ke 'eke ha totongi kiate kinautolu ki ha totongi tekisipuka, fa'ahinga naunau lokiako, me'alea, 'a'ahi fakaako ki ha feitu'u, 'asemipilī, me'akai fakaifofo (kehe mei he me'akai 'oku teuteu 'e he Polokalama Kai Ho'atā 'a e 'Apiako), pe ki ha me'a kehe 'oku fakahoko pe ngāue'aki lolotonga 'a e taimi ako angamaheni.

'E toki 'eke totongi atu pē ki he ngaahi polokalama 'oku fakahoko kimu'a pe 'i he tuku 'a e ako, pe lolotonga 'a e taimi tutuku 'o e ako. 'E lava foki ke 'eke totongi atu ki ha taha ako kalasi ono pea 'oku 'i he 'apiako 'oku 'i ai ha kalasi 7 -12 'e taha pe lahi ange, kapau 'oku fakahoko hono ako' i 'o e kalasi ono 'o fakatatau ki he mōtolo 'o e ngaahi kolisi.

'Oku fiema'u 'e he lao 'o Utah ke fakapapau' i 'e he ngaahi 'apiako 'oku 'eke totongi, 'oku 'i ai ha makatu'unga ta'etotongi pe ko ha me'a ke ne fetongi'aki 'a e makatu'unga ta'etotongi ke 'ave ki ha tokotaha ako 'oku 'ikai lava 'e he'ene ongo mātu'a 'o totongi 'a e ngaahi totongi 'a e ako.

Ngaahi Makatu'unga Ta'etotongi

Ko e makatu'unga ta'etotongi ko hano fakatau'atāina' i mei hono totongi 'o ha totongi ako. Kapau 'oku ma'u 'e ha taha ako 'a e ngaahi makatu'unga, **kuopau ke ta'etotongi 'a e totongi ako kotoa pē**. Kapau 'oku 'ikai ke tuhu' i pau mai 'i he lao 'a e siteiti, kuopau ke fakata'e'aonga' i 'a e ngaahi totongi kotoa pē, kau ai ha fa'ahinga me'a pē 'oku 'ikai pau ke kau ki ai 'a e tama ako ka e fili pē. 'Oku 'uhinga eni 'e ta'etotongi ha fa'ahinga kalasi pe 'ekitiviti 'e kau ki ai ha taha ako 'oku ne ma'u 'a e makatu'unga.

'Oku taau 'a e taha ako mo e makatu'unga ta'etotongi 'okapau:

- 'oku ma'u honau fāmili 'a e pa'anga mei he TANF (ngaahi sitapa me'akai pe Polokalama Ngāue 'a e Fāmili 'o e siteiti);
- 'oku ma'u tokoni e tama ako mei he Pa'anga Hū Mai Tokoni faka tu'unga Malu (Supplemental Security Income, SSI);
- 'oku kau 'a e taha ako ki he McKinney-Vento;
- 'oku nofo tauhi 'a e taha ako 'i ha 'api kehe (foster care);
- 'oku tauhi 'a e taha ako 'i he siteiti; pe
- oku taau 'a e taha ako makatu'unga 'i he kau 'a e tu'unga pa'anga hū mai hono famili/'api he faka'ofa (kau ki he ngaahi makatu'unga ke ma'u ai ha kai ho'atā ta'etotongi).

* 'E lava ha taha ako 'o ma'u 'a e ngaahi makatu'unga ki he ako ta'etotongi kapau 'oku 'ikai ke nau a'usia 'a e ngaahi makatu'unga ni, kae kei ta'elava pē ke totongi 'a e ngaahi totongi 'oku fiema'u. Katakī 'o sio ki he tu'utu'uni ngāue 'a e vāhenga ako ki ha ngaahi fakamatala lahi ange.

Kapau 'oku fiema'u 'e ha taha ako ke kole ke kau ki he ta'etotongi, 'e 'eke ange ke nau 'omai ha tohi 'oku ai 'oku nau ma'u 'a e makatu'unga ki he ta'etotongi, 'o fakakau ki he tohi kole.

Ki he kole ke ta'etotongi, 'e lava ke fakahū 'e he taha ako 'a e "Tohi Kole ki he Ta'etotongi (Kalasi K - 6)". 'Oku kau atu 'i he Fakatokanga ni 'a e tatau 'o e tohi kole, pea 'e ma'u atu mo e ngaahi tatau kehe mei he 'ofisi 'o e 'apiako, pe koe uepisaiti totongi ako 'a e 'apiako 'o e siteiti 'a ia 'oku lisiatu 'i he faka'osi 'o e tohi ni. Ko 'ene fakahū pē 'a e tohi ki he 'apiako, 'e toloi leva ai 'a e fiema'u totongi kae'oleva ke fai ha tu'utu'uni faka'osi ki ai fakahā fekau'aki mo e ma'u ko ia 'e he taha ako 'a e makatu'unga ke kau ki he ta'etotongi

Kapau 'e 'ikai tali 'a e tohi kole, 'e 'oatu keva 'e he 'apiako 'a e "Foomu Tu'utu'uni mo e Faka-Tangi". 'E fakamatala atu 'e he foomu 'a e 'uhinga ne 'ikai tali ai 'a e tohi kole, pea mo e founa ke fai ai ha fakatangi koe'uhi ko e tu'utu'uni ko eni. Manatu' i he tauhi ma'u pē ha' o tatau. Kapau 'e fakahū ha tohi tangi koe'uhi ko e 'ikai tali 'o e kole ke ta'etotongi, 'e 'ikai fiema'u ke totongi ha mo'ua pe totongi ako kae'oleva kuo 'osi 'a tu'utu'uni ki he tohi tangi..

Kapau 'oku faka'amu 'e ha taha ako ke fakatau ha ngaahi tā faka ako, tohi fakato'u ako, pe ngaahi e'a pehē 'o fakafou mai mei he 'apiako, 'oku 'ikai ke kau 'a e ngaahi mahu'inga 'o e ngaahi me'a ko ia 'i he ngaahi totongi 'oku lava ke fakata'e'aonga'i pe ta'etotongi. 'I kai ngata ai, kapau 'e

fakamoleki pe maumau'i 'e ha taha ako ha naunau 'o e 'apiako, 'oku 'ikai kau 'a e ngaahi mahu'inga 'o e totongi ki hono ngaahi pe fakafetongi 'o e ngaahi me'a ni 'i he totongi ako, pea 'ikai fiema'u ia ke ta'etotongi.



Timi Totongi Ako 'o e Poate Ako 'o e Siteiti 'o Utah

kombisa ku vilela 2022

Tali he ADA 4/4/2022

Ngaahi Foaki ‘Ofa, ‘Ilo ‘Ikai Fakahā-holo, mo hono Fakamālohi’i ‘o e Ngaahi Totongi

‘Oku ‘ikai fakahā-holo ‘a e hingoa ‘o ha taha ako, pea ‘oku ‘ikai lava ke ‘ave ia ki ha taha ‘oku ‘ikai ‘i ai ha’ane totonu pe fiema’u vivili ke ‘ilo ki he fakamatala ko ia, tatau ai pē kuo ‘osi totongi ako ‘a e taha ako, foaki ‘ofa, mo ha ngaahi tānaki ki he ako pe ‘ikai, pe kuo ‘osi tohi kole, ma’u mai, pe faka’ikai’i ha’a ne kole ki he ta’etotongi. ‘E lava ‘e he ‘apiako, ‘okapau ‘oku loto ki ai ‘a e tokotaha fakapa’anga, ‘o foaki ha fakahounga ki ha taha pe kautaha kuo nau fakahoko ha foaki ‘ofa lahi ki he ‘apiako.

‘E ‘ikai lava ‘e he ‘apiako mo ‘ene kau ngāue ‘o puke, fakasi’isi’i, pe fakalahi ha maaka pe kulētiti, pe puke ha maaka, taimi tēpile kalasi ako, kulētiti, kaati liipooti, pepa maaka, pe tohi fakamo’oni ako ke fakamālohi’i’aki hono totongi ‘o ha ngaahi totongi ako.

Ki ha ngaahi fakamatala lahi ange, fetu’utaki ki he

‘Apiako Lōkolo:

Hingoa: _____ Telefoni: _____

‘Īmeili: _____ Uepisaiti: _____

Fetu’utaki ki he Totongi ‘Apiako Fakavahe/Tau’atāina kae totongi mei he Pule’anga

Hingoa: _____ Telefoni: _____

‘Īmeili: _____ Uepisaiti: _____

Uepisaiti ki he Totongi Ako ‘a e Poate Ako ‘o e Siteiti ‘o Utah: <https://schools.utah.gov/schoolfees>